

Un'kaan a Yude Nsemà

Un'kaan a Yude kà wà nà ntɔn Ikoõñ mwey mpel anki, itàkal ntwasà mwey, wɛɛ ntɔn aklistɔ banswà. Ndaa awa yà asànaa ayà unsà un'kaan a Petɔlà wáyweel: mya myàmyeel myàmunwaan anà baar abà bàyikyaänà an'loɔñ an'be, ma mà ntɔn ipasàse.

Ungò a nsemà, un'soõn wàmunwaan a ngwal yanswà anà akyään a an'loɔñ a loor abà babilà uboo a Ikoõñ, anà wa wàmuswan ntaanàmbar ayà bàsàwal ba banswà. Akà anàlàbõõn, ba bàmalõõm mukal bànàtsim unsà làkwikilà. Un'kaan an'tsu unsà làkoo « akà Nzam mwey, Un'tswää a mōõ abi amu Yesu Klistɔ. »

Isàkal naa un'kaan awà wàmumeeey nkääl a ngwal a loor, wa sye wàmuswan ubwanàbwan labaay anà làkyän a làbà aklistɔ amu Nzam, amu Yesu Klistɔ anà u mbwo a Dweelà In'kyeel.

Mbɔr

¹ Yude, un'syaäl a Yesu Klistɔ, anà un'tɔñ a Zyak.

Akà baar kàbel anà kàkwen Taa Nzam, anà bayee ntɔn Yesu Klistɔ.

² Wey kab a ngway, duu anà ukwen byakäl mbɔɔn anà be.

Alɔɔŋ a loor
(2Pe 2.1-17)

³ Asam amɛ, abun mɛ kàkal anà ilɛɛm mukàlasoòn ntɔn ndaa iler mɔɔ abi banswà. Kyekà, mɛ an'man naa ya ndoŋ mukàlasoòn un'kaan awà ntɔn mukàlapà un'kanà bɛ munwaan ntɔn làkwikilà alà bàsàsye ipepey akà anikyɛɛl.

⁴ Ntɔn bye anà baar abe bàkyàbilà kunku uboo abɛ. Ba bàkyàkwaar kab a ngway a Nzam abi ntɔn mubuul la ndaa a nswen. Abun, ba bàfàtɔn Nkum abi mwey mpel, Mwol Yesu Klistɔ. Ntaanàmbar a baar abà, bàsòn fà itaan.

⁵ Mɛ in'kwen mukàlayɔɔb, itàkal naa bɛ làkyàyɔb indiir byanswà, Mwol, ungo mutswà un'sɛŋ ande mɔɔ u Ngipiti, kàdwa baar bàkal anà mpem a bwoor.

⁶ Akyeey mpa bàkäär ibyaäl aba, wɛɛ bàwɛy ndwà aba ŋakwo, nde ba kayee ipepey bàŋàbäm in'sin u làpib, ntɔn Ilà a kolàkol kyà nsan.

⁷ Layɔbà Sodom anà Gómɔr anà an'bul a tsutsu: asànaa akyeey, baar abà bàbilà afwee mukyer ipasàse anà ndaa a ŋingyây. Ba bàlenà mutuüb ndür anà akyeey kàtòm Nzam. Ba bamukuur a ntaanàmbar a mbaa a mbul a in'tye, anà ya yà ntɔn muwey baar banswà.

⁸ Ifà imwey sye, baar abanà, unsà ukɔŋ aba, ba bàfàsà làbiin u ndür, bàfàbɛy imwol anà bàfàto aŋàlàkoo.

⁹ Kyekà, itàkal Mishel, mfum a akyeey, umpal

kàsi nde mbaan anà kànüün nde ndür a Mose anà ileŋ, nde kun'to anki in'tswe, wëe nde kàten naa: « Wey Mwol kape ntaanàmbar! »

¹⁰ Wëe baar abanà bàfàbey indiir byanswà mpa bàyöb ba, anà indiir byanswà bàyöb ba unsà imbuur asànaa an'kyan a ntsür iköön un'yenà, u mbwo abyà ba bàfàkyà ukwà.

¹¹ Ngyeb akà ba, ntön ba bàláb mbwo a Kayin. Ntön ukwen a ngim, ba bàbilà unsà ibii asànaa Balam, ba bàkü ntön un'tswe bwoor aba asànaa Kóre.

¹² Ba bà baar bàfàtay isaa a ibööl abe, ntsü bàfàkyom ba anà bàfàyoöl ba an'bal uköön nswen. Ba bà asànaa in'böŋ ifiikyà a in'pöb anà mpa myàfapà mbul. Ba bà ifà imwey anà in'te mpa myàfabor akà imben mwey, itàkal naa u paŋà myàfàfulà in'te. Abun, mya myàŋàkwà mbalà yweel, in'swey myàŋàtsuum.

¹³ Ba bà asànaa ibo a an'dà byànkyl byà ngyal abyà ifàful nswen aba. Ba bà asànaa mbwaar ifiikyà kyà a kyà, anà nde kàkyàlön ikal a ipepey uboo a diŋdiŋ a mpib ntön ba.

¹⁴ Akà ba sye isakwo ngööm a Enök, mbuur wà nsambwaar fà Adam ayà iten naa: « Le, Mwol asàtwaal nsaab anà nsaab akyeey ande,

¹⁵ ntön mutsul nsan a baar banswà. Nde asàpà ntaanàmbar akà baar a man'be banswà, ntön ndaa aba yà ube mubey Nzam. Nde asàpà ntaanàmbar ntön isal aba byà ibe byanswà bàkyer ba akà nde uköön inzaam, anà ntön ndaa

a bwoor bāteŋ baar a man'be akà nde.

¹⁶ Baar aba ba baar bakčōn un'sak, isal aba in'tār anà in'tār, ba bāfàlab an'kyān aba mabe. Ba bāfàten ndaa mwey yà uyoł anà bāfàlwab baar nton muwal bweel.

¹⁷ Wēē aka bē, asam amē, lāyɔbà ndaa bālakyāān antōōm a Mwol abi Yesu Klistɔ kusa.

¹⁸ Ba bālakyāān naa: « Utaan a ntsüü, bāsàkal anà anasēē anà mčō aba asàkal asānaa abyā ilāān a mbe aba. »

¹⁹ Bē lan'man baar bāfitwāāl nkaabà, an'kyān aba mā an'kyān a mēen, Dweelà akà ba watēy.

²⁰ Wēē bē, asam amē, lālāb mutɔŋ mčō abē udu a lākwikilā abē là in'kyeel. Lāyamā unsā Dweelā In'kyeel.

²¹ Lābwaay unsā ukwen a Nzam, lāsī lākyaān abē unsā ubwaŋ a Mwol abi Yesu Klistɔ nton mčō a mbul a in'tye.

²² Baar aba an'ker an'ker, lawem ngyeb.

²³ Bamwey latsü mčō mukagyɔɔr u mbaa, bumwey lawem ngyeb anà bɔɔmā: twon lan'sin apà ba, itàkal muba ipfey aba byānàtay a lābiin a ndür aba.

Nsyāŋà a ntsüü

²⁴ Akà mbuur kaŋ'kwo mukalatii nton bē lākčōn abwa anà nde kalakāār umbaār kusa a lākoo ande ukčōn an'pel unsā un'sak mbɔɔn,

²⁵ akà Nzam mwey un'tswāā a mčō abi u mbwo a Mwol abi Yesu Klistɔ. Wēy lākoo, uteer, unkaak a ngwal anà ikɔb byàkal anà nde, fà itaan, pa-panà, tii mbul a in'tye! Wōō'wōō.

Bible Iyansi

The New Testament in the Yansi language of the Democratic Republic of the Congo: Bible Iyansi

copyright © 2024 Seed Company in coordination with Forum Communautaire des Traducteurs de la Bible et Alphabétisation

Language: (Yansi)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-10

PDF generated using Haiola and XeLaTeX on 10 Sep 2025 from source files dated 10 Jul 2025

533ada40-f65c-5c48-9141-b107f37a0a9f